


L'ESSOR FASO KUMAKAN

Zenerali Musa Tarawele ka badenya taama Lagine



Mali kelenya pariti "UDPM" sekeretèri zenerali, n'an ka jamana kuntigi, n'o ye zenerali Musa TARAWELE ye, donn'an fè yan Bamakò sibiri don, marisi kalo tile I3, a bòtò taama la lagine jamana kónò, a ye taama min kè teriya ni baara sira kan.

An ka jamana kuntigi bisimilara Senu awiyónjigin kénè kan "UDPM" sekeretèri zenerali dankan fè, n'o ye zenerali Amadu Baba JARA ye, ani pariti nyémogò caman wérèw ni goférènama mógo minnu tun bë Bamakò o don.

A kétò k'a fèlaw jira taama in kan, an ka jamana kuntigi ko belebele kéra mali ni lagine ka faranyogonkan siratigè la, kabini salon marisi kalo tile I3, a kuma fóra don min na bamakò, lagine jamana kuntigi ka taama sen fè an bara.

Zenerali Musa TARAWELE k'ale ka lagine badenya taama in bë se ka jate dò-

boli ye mali ni lagine ka faranyogonkan sira la.

A y'a jira k'u y'a kanu cogo min, u ka baara nyébila tónsigiw sen fè, u bénna kan ka jèkulu dò sigi sen kan, min mógo bëna kè jamana fila bée politiki nyémogòw ni goférènama nyémogòw ye, wala nkaniya minnu sirila u fè, olu ka se k'o waleyacogo jateminè.

An ka jamana kuntigi y'an ladonnaya k'u y'u bolonò bila sèbèn dò la min bëna mali ni lagine politiki siraw gérè nyogon na dòonin dòonin ani jamana fila taa-below.

U ka bénkan sèbèn in sinsibere ye jamana fila sariyabaju ye ani wele min kéra faranyogonkan siratigè la u ni nyogon cè, fo ka n'a se Afiriki jamanaw ka kelenya ma.

Bénkan sèbèn in bë badenma jamana fila ninnu ka faranyogonkan sira bée kan: politiki, sôrò,

hadamadenya walew ni dònkok ni sekow.

Bénkan sèbèn in min bë an ka jamanaw nkaniya jira politiki sira kan, a bëna an ka faranyogonkan sabati dòonin dòonin k'a daminè jèkafò ni jèkabaara ni nyogon-sirataama la fo ka se politiki walew ni an ka jamanaw taabolow ma.

Zenerali Musa TARAWELE y'a jira ko

bè b'a dòn k'a fò mali ni lagine bée ye kelen ye kabini lawale fo bi sira caman kan i n'a fò : jamanaw sigicogo, sôrò ni hadamadenya walew ani dònko ni sekow siratigè la.

A ko sôsôli tè minna, o de ye nyogondafa sira min bë mali ni lagine cè. Si tè taa ka si to, i n'a fò a balimakè n'a kôrókè Hamèdi Seku TURE y'a fò co-gó min na, mali ni lagine y'i ko hadamaden kelen n'a fogonfogon fila.

"UDPM" sekeretèri zenerali ka fòli la, maga tè se ka kè minna, o ye malidenw ni laginedenw ka nkaniya ye, ka balo nyogon kérè fè bën ni kelenya kónò.

A y'a jira ko fèn min fana ka fisa jamana fila denw mà ani Afiriki ka kelenya, o ye se min b'u ye ka fara nyogon kan, k'u ka kelenya sabati politini sôrò sira kan.

O de kôsón, u ka baara sen fè lagine

galoduguba kónò, n'o ye Konakiri ye, u y'a kanu mali ni lagine ka faranyogonkan ka sabati dòonin dòonin ka kè kalamènè ye Afiriki tilebinyanfan jamanaw bolo, farafinna jamanaw bée ka kelenya sira kan.

An ka jamana kuntigi k'a bë se ka fò, k'a ka lagine taama in ye nôba bô lagine ni mali ka faranyogonkan sira kan, kabini Bamakò nyogonkunbèn don, marisi kalo tile I3, san 1982.

A ka jèmukan labana, "UDPM" sekeretèri zenerali ni mali jamana kuntigi, zenerali Musa TARAWELE k'a bë foli ni walenyumandón lase a nô fè mógo bée tògò la an'a yèrè tògò la, lagine rewolisiyon nyémogòba n'a jamana kuntigi n'a badenkè Hamèdi Seku TURE ma, ani pariti ni goférènama ni sariyataso nyémogòw ni laginedenw bée lajèlen, borva ni karama kôson, u kumbènna ni min ye konakiri, labe ani farara.



dinyè musow ka seliba

Mali musow ka kelenya tònba n'o ye "UNFM" ye, o kuntigi madamu SO Worokiyatu SO ye jèmukan nafama lase a balimamusow ma, marisi kalo tile 8 hukumu kónò, n'o ye dinyè musow ka donba ye.

A y'a jira ko dinyè seleke naani jama na caman kónò, muso baa kèmè yirika bë dinyè musow ka seli in kùnbèn marisi kalo tile 8.

Marisi kalo tile 8 in ye hakilijakabò de ye murutiliba kan Shikago (ameriki jama kónò) uwiriyew ye min kë a san 80 ye nin ye, ni muso caman tun b'u cèman.

Madamu SO Worokiyatu SO k'a tèna segin donba in tariki kan, nka a b'an laddoniya ko dinyè musow ka lajèba sen fè a san 73 ye nin ye, Kilara Zètikin de de kèra sababu ye ka marisi kalo tile 8 kë dinyè musow ka don kérènkérènnèn ye u lakanani n'u ka hèrè sòrò sira kan, walasa k'u danbe n'u jòyòrò sèmèntiya.

Kilara Zètikin kanakiya in tun bén-

I n'a fô aw y'a ye kôsa in na "Faso kumakan" kónò cogo minna, an ka jamana nyémogòw b'u seko damajira bëe la dòrógu silatununni na mali kónò.

Aw bëe dun b'a dòn ko nyémogòw b'anw de ye. U jigi b'an ni kéneman kan faso baa ra la. O la sa fèn o fèn bëe se k'anw ka hadamadenya kë tòkajé ye u b'u seko kë o kélèli la.

O siratigè la, polisisoba min b'an fè yan n'a bëe wele ko "INTERPOL", o kuntigi ye yamaruya di dòrógu jeniniko la Almissa don Marisi kalo tile 17, a ka ciyakèda ye min minè a san 3 ye nin ye.

Dòrógu suguya bëe tun bëe jenita ninnu, na, k'a daminè fura-



nen don dinyè musow bëe haminanko ma n'o y'u ka kow bilali ye sira kelen kan, k'u ka nafaw lakana bawo dimi kelenw de b'u bëe kan, wa u bëe bugòlen don sariya jugu bere kelen na.

Mali musow ka tònba nyémogò ko marisi kalo tile 8 tè don kùnbèn dòrógu ye. Wale don, min bë dò fara musow ka cèsiri kan u jòyòrò minèn fali n'u danbe sabatili la u ka jamanaw kónò

Afiri musow y'a nkaniya nyinan seli hukumu kónò k'u sen

don hòrónya kélè la fo ka t'an ka jamanaw bëe bò marabaga jugu bolo.

Buzunbura lajè min kèra feburuye kalo tile 2I f'a tile 24, san 1983, o y'a nyini Afiri musow bëe fè, u k'u sen don halibi ni barika ye u ka jamanaw hadamadenya walew n'a sòrò yiriwali baaraw la.

Lajèkèlaw ye wele bila Afiri jamanaw kùntigiw bëe ma, u ka ko bëe kë ka Afiri kelenya tònba "OUA" bò gèlèya la, a bë min na sisan,

barisa ale de y'an ka jamanaw ka kunkorota ni bèn ni hakili nyuman jèkulu ye.

Madamu So Worokiyatu So y'a jira ko dinyè musow ka donba in, jamanaw bëe kónò, bolodinyögónma taamaseere don musow ni nyögón cè, u ka sariyaw lakanani an'u ka nyètaa n'u ni cèw damakènyèli la sira bëe kan.

A k'a bë wele kérènkérènnèn bila Mali musow ma, u k'u cèsiri kelenya sabatili la an'u nyòrò laseli jamanaw yiriwali baaraw la.

nisòndiyafuranin kélèli

kisèw la fo ka taa se furubuluw ma ani dòwèrèw. U jenina jèkulu min nyè na, ki-

ritigèso cidew tun b'a la ani an ka jamanaw hadamadenya jèkulu min nyè na, ki-

ganyew ni santaramaw ni dògòtòròso ciden, n'o tun ye Bulukasumu Hayidara ye.



Madamu SO Worokiyatu SO ka jèmukan laban na, a ye dugawukè ala ka dinyè musow ka teriya sinsi, ka hèrè ni bèn ni lafiya don dinyè kónò.

I n'a fô u y'a kantu cogo min, Mali ka dògòkun seli bennna dinyè musow ka donba ma, k'a daminè Marisi kalo tile 7 f'a tile 14.0 seli in sen fè, Bamakò kafow musow y'u dònkow n'u sekow jira. Kuma nafamaw lasera jama ma nyémogòw fè. U ye nyögón són hakili la. Jèmukanw bòra dòrógu masibaw kan ani furugintanw tinyèli ani lajè wèrèw minnu musakaw tè dòonin ye. Lakòlidew fana ye fèn minnu baara u bolo la, olu jirala jama la. Da sera furusa ni ciyènko fana ma.

Mali musow ka kunyögón seli in kèra sababu ye musow ka nyögón kumanyögónya u kunko gèlènw kan, ani k'u hakililataw jira nyögón na, ka nyögón fèkow dòn wala ka nyögón dòn kosèbè.

An jigi b'a la k'a fô nin seli nyögónnaw tèna kòtigè tugun an balimamusow ni nyögón cè.

Waati ni waati ni jenini nyögón bë kë ni dòrógu minèn cayara. A bë jeni jèkulu min nyè na, o mögò kelen-kelen bëe wajibiyalen don k'a bolondò bila sèbènna, min b'a sèmèntiya ko dòrógu minnu ma kë fèn wèrè ye.

Nisòndiyafuranin ninnu jeninen k'a ban, polisisoba in dòrógu konyèw nyémogò tun ye Makanfin Keyita min ye o waati la, o y'a jira k'u bë tèmè ni nisòndiyafuranin kélèli ye fo k'a silatunun. Nka dalen don a la, k'a fô a n'a nònabilita bëe miirinata ye kelen ye, dèmè nafama la baara in na, ka bò duganyew ni santaramaw ni jamanaw mögò sèbèw bëe yòrò, hadamaden halakilifèn in silatununni la.